



Bájkkeavijssa NuorttaSálto

Nievres sajij jienastimlihtijda

■ Dát le akta tjielgadásájs masi sáme jienastamguoradallam vuoset gá guoradalli manen jienastusláhko Sámedikke jienastusán le binnum.

Dálla gávnnu rievddadimoajvvadus. Oajvvadus le guláskuddamij gálgádismáno 1. Biejve, gánná oajvvaduvvá sámejienastimstivrra suohkanijn gánná jienastumláhko le binnep gá 30 de galggi tjálatattjat diededit jienastiddijit le siján le dássju máhttelisvuohta árabut jienastit jienastit sámedikkeválgan. Diededitbme galggá jienastiddijit jáksát ávddál ára jienastibme álggá. Máhttelisvuohta jienastittjat válggabiejven le vuojnnet ájnas válggaoassásstemij. Sáme jienastamguoradallam le gávnnam sivvan vuollánibme válggaoassásstemij le gá institusjávnašj birástahka sámedikkeválgan lij rievddam. Vuojnnet árom suohkanin nievrep sáme birrusijn ij le sivva vuollánibmáj, valla tjelggidus vuollánibmáj le gá jienastimlihte ælla sæmmi sadjihin gá ávddála. Árvvedahhte le jienastiddje ilá mañet ájttsi dássju máhtti árrat jienastit (ájggemierre le

mañemus bierjedagá ávddál válggabiejve). Soajttá duodden le hieredibme jienastiddjáj ráhtos gávnnat gánná suohkanin le árra jienastibme.

Ádá árnigin mij bádjij jagen 2009 tjuodtju jienastiddje suohkanijn gánná li binnep gá 30 jienastiddje, e desti besa jienastit válggabiejven - valla bessi dássju árabut jienastit. Sáme jienastimguoradallam-programma duodas viehka stuorra vuollánimev válggaoassásstemij válggadáfojn gánná li suohkana binnebu gá 30 jienastiddijit. Vuollánibme oarjálamos niellja válggadáfojn le Oarjje-Vuodna válggadáfon – 14,4% (Oarjje-Vuodna), Oarjjesáme válggadáfon – 7,3% (Trøndelag fylka, Oarjje-Norlándda) Allemera válggadáfon – 6,5 % (gasska ja nuortta Nordlándda, Oarjje-Rámssá) ja Gáisi válggadáfon – 4,2 % (gasska ja nuortta Rámssá). Gálmma nuorttalamos válggadáfojn Finnmárkon li



gallegasj jali e gávnnu suohkana binnep gá 30 jienastiddijit, ja dánná le stuoves válggaoassásstem. Rievddadimoajvvadus sjaddá guoskat ienemus oasev Vuona suohkanijis.

Sámedikkeválgga

Sámedikkeválgga tjadáduvvá ragátmánon juohkka nælját jage, stuorradikkeválgga aktijvuodan. Válljduvvi 39 ájrrasa gietjav válggabirrusijs. Boahhte sámedikkeválgga tjadáduvvá tjavtjan 2013.

Járggálibme: Divte Media AS

Ádá æládussjiehtadus duodjáj



Sámedigge ja duodjeorganisasjávnná Samiid Duodji ja Duojarid ealáhussearvi ásadin dá vahko æládussjiehtadusáv duodjáj mij guoská 2013.

- Sjiehtadallama li læhkám miellusa ja joarkki sámedikke ávdedimev duojes æládussan, javllá rádesebrulasj

Marianne Balto. Sjiehtadusán jahkáj 2013 le mierre 9,4 millijávná. - Le sierraláhkáj ávos gá sjiehtadallambiele lij guorrasam prosejtvav jádedit mij guoská mærkka-gálvvotsieggimav, vuobddemav ja vuobddembargov, javlla Marianne Balto. Sán subtsas dát le ájnas barggo mij gullu mávsánisvuodav æládusán, gá duodje

ienep sadjihin sjaddá ja duoje hadde lassán. Sjiehtadallambiele lij aj guorrasam boahhte jahkáj máhtudahkabajedimdájmajt vuorodit. Árnik doajmmarudáj le tjalmostuvvam ja rádeájras Marianne Balto le ávon gá bieie li guorrasam árnigav árvustallat.

Gálldo: www.sámedigge.no

Petter Nilsa



Gallegasj sáme li læhkám nav dábdusa, gájt dal muodos, dagu **Petter Nilsen Wadnim (1855-1935)**. Oarjje-Fuoldá – gávvar Lyder Kvantoland Petter Nilsav gávvi ja gávva poastakárttán sjattaj mij álov vuobdeduváj. Petter Nilsannin lij ællo Fuoldán ja Hábmerin, ja Hábmerin aj guhkev ároj. Gá vuorastuváj ároj aktan áhkátjijnes Sagfjordbotnin Fuoldán. De lidjin divna niellja máná jábmám. Bárnnes Amund sármén jámij ja guokta nuoramusa, Ano ja Petra, tuberkolose skihpudagás jámijga. Divna gálmás állessjattugin jábmin 1920-jagijn.